

# Canllawiau'r rhaglen ar gyfer elusennau arbenigol Masnachu Pobl a Chaethwasiaeth Fodern 2023/2024

Diolch am roi o'ch amser i ddeall ai ni yw'r cyllidwr  
cywir ar gyfer eich elusen.

Darllenwch y ddogfen hon cyn i chi ddechrau ar eich cais, gan ei bod yn  
esbonio pwy a beth rydym yn ei cyllido, yn ogystal â sut rydym yn gwneud  
penderfyniadau. Mae gan y canllaw hwn 7 adran:

1. Cefndir
2. Nifer y grantiau i'w dyfarnu
3. Dyddiadau cau ar gyfer ceisiadau am gyllid
4. Meini prawf cymhwysedd cychwynnol
5. Meini prawf y rhaglen
6. Llundio rhestr fer, a meini prawf blaenoriaethu
7. Yr hyn nad ydym yn ei gyllido o dan y Rhaglen hon

## [Cwestiynau Cyffredin](#)

Gobeithio bod hyn yn dweud y cyfan wrthy ch o ran beth mae angen i chi ei  
wybod amdanom ni, ond os oes gennych chi gwestiynau o hyd, anfonwch  
e-bost atom [enquiries@lloydsbankfoundation.org.uk](mailto:enquiries@lloydsbankfoundation.org.uk) neu ffoniwch ni ar  
0370 411 1223 cyn dechrau gwneud eich cais.

Gan ddymuno pob llwyddiant i chi gyda'ch gwaith, Sefydliad Banc Lloyds  
Cymru a Lloegr



## 1. Cefndir

Rydym wedi ymrwymo i gefnogi elusennau sy'n helpu pobl sy'n profi problemau cymhleth nad oes atebion syml ar eu cyfer, fel digartrefedd, cam-drin domestig a dibyniaeth. Mae'r materion cymhleth hyn yn gwneud bywyd yn llawer anoddach i bobl; yn dwysáu trawma, yn effeithio ar eu hiechyd, yn arwain at dlodi ac amddifadedd, ac yn atal pobl rhag gallu cyflawni eu potensial.

Rydym o'r farn bod elusennau bach, lleol ac arbenigol yn chwarae rhan unigryw yn y gwaith o helpu pobl i ailadeiladu eu bywydau. Mae eu maint a'u dealltwriaeth ddofn o'r materion cymhleth mae pobl yn eu hwynebu yn eu rhoi nhw yn y sefyllfa orau i gyrraedd, ymgysylltu a chefnogi pobl a chael effaith.

Rydym eisiau sicrhau bod yr elusennau bach a lleol rydym yn eu cefnogi yn gallu ffynnu y tu hwnt i gyfnod ein cyllid. Mae ein rhaglenni'n cyfuno cyllid anghyfyngedig gydag amrywiaeth o gymorth wedi ei deilwra gyda'r nod o helpu i gryfhau elusennau a meithrin gwybodaeth, sgiliau a galluoedd staff ac ymddiriedolwyr. Gan hynny, mae'r rhaglen hon wedi ei hanelu at elusennau sy'n rhoi blaenoriaeth i'w datblygiad.

Gwyddom fod llawer o elusennau sy'n rhoi sylw i amrywiaeth eang o faterion cymhleth mewn cymuned leol. Fodd bynnag, o dan y rhaglen hon, rydym eisiau cefnogi elusennau lle mae'r ffocws a'r rhan fwyaf o'u gwaith yn mynd i'r afael ag un o'r wyth mater (thema).

## 2. Nifer y grantiau y byddwn yn eu dyfarnu

Rydym yn derbyn mwy o geisiadau nag y gallwn eu cyllido mewn unrhyw flwyddyn.

O dan y rhaglen gyllido hon yn 2022/2023, fe wnaethom ddyfarnu 82 o grantiau gyda gwerth cyfanswm o £6.15 miliwn ar draws yr wyth thema.

Cawsom 280 o geisiadau ar draws yr wyth thema, ac roedd 171 (61%) ohonynt yn bodloni ein meini prawf cymhwysedd cychwynnol. O'r 171 o elusennau hynny, fe wnaethom gyllido 82 o grantiau (48% o'r ceisiadau cymwys).

Roedd y gyfradd llwyddiant yn amrywio'n sylweddol ar draws pob un o'r themâu. O dan y thema Ceiswyr Lloches a Ffoaduriaid, cawsom **6** o geisiadau cymwys a chafodd **6** ohonynt eu cyllido (cyfradd llwyddiant o 100%).



Ar gyfer y rhaglen 2023/24 hon, byddwn yn dyfarnu cyfanswm o 84 grant. Rydym yn disgwyl y bydd oddeutu 6 o'r rhain yn cael eu dyfarnu i elusennau arbenigol ar y Fasnach mewn Pobl a Chaethwasiaeth Fodern.

### 3. Dyddiadau cau ar gyfer ceisiadau am gyllid

Y dyddiad olaf ar gyfer ceisiadau yw **dydd Iau, 25 Ionawr 2024 am 5pm.**

Rhoddir gwybod i chi am ganlyniad eich cais erbyn **dydd Gwener 24 Mai 2024.**

### 4. Meini prawf cymhwysedd cychwynnol

Er mwyn bod yn gymwys i gael grant gennym, bydd angen i'ch elusen fodloni'r meini prawf canlynol:

- **Cofrestru fel elusen neu fel sefydliad corfforedig elusennol (CIO)** gyda'r Comisiwn Elusennau. Byddwn yn gofyn am rif cofrestru eich elusen ar ddechrau eich cais.
- Cael o leiaf un gyfres o gyfrifon blynyddol yn dangos eu bod wedi'u 'derbyn' ar wefan y Comisiwn Elusennau, ar gyfer cyfnod gweithredu o ddeuddeg mis.
- **Gydag incwm blynyddol o rhwng £25,000 a £500,000** yn eich cyfrifon diwethaf a gyhoeddwyd ar wefan y Comisiwn Elusennau. Mae hyn yn golygu eich holl incwm ac, yng nghyswllt cyfrifon cyfunol, dylai gwmpasu pob endid o fewn y cyfrifon hynny.
- **Bod â chyfrif banc yn enw'r elusen** sydd â llofnodwyr nad ydynt yn perthyn. Os bydd y cais yn llwyddiannus, rhaid talu'r grant i'r cyfrif hwn.
- Bod â **Bwrdd o dri ymddiriedolwr o leiaf** ar waith **nad ydynt yn perthyn i aelodau eraill y Bwrdd** a bod eu henwau'n ymddangos ar eich cofnodion Comisiwn Elusennau.
- Rhaid i'r rhan fwyaf o bobl mewn swyddi o rym (gan gynnwys ymddiriedolwyr, y Prif Weithredwr ac uwch reolwyr) beidio â bod yn perthyn nac yn byw yn yr un cyfeiriad. Os oes partïon cysylltiedig, byddwn yn ystyried y berthynas, gwrthdaro rhwng buddiannau a theyrngarwch, cydbwysedd grym yr ymddiriedolwyr sy'n perthyn, a sut y caiff hyn ei reoli.
- Peidio â gwneud unrhyw daliad i ymddiriedolwyr, ac eithrio mân dreuliau.
- **Bod â hanes o ddarparu gwasanaethau, am o leiaf blwyddyn, i bobl 18 oed a hŷn.** Rhaid i chi hefyd fod yn darparu'r gwasanaethau hyn ar hyn o bryd. Os



yw eich elusen wedi uno'n ddiweddar, rhaid i hyn fod yn berthnasol i o leiaf un elusen cyn yr uno.

- **Gyda pholisi diogelu ar waith.** Byddwn yn archwilio beth mae diogelu yn ei olygu i'ch sefydliad, sut mae'n cyd-fynd â'ch cenhadaeth a'ch gwerthoedd a'ch dull o ddiogelu ar draws eich sefydliad.
- Gydag Yswiriant Atebolrwydd Cyhoeddus.
- **Bod yn sefydliad annibynnol.** Byddwn yn edrych ar unrhyw gysylltiad ffurfiol sydd gennych â sefydliadau eraill, rhiant-gwmnïau, neu strwythurau grŵp. Byddwn yn sicrhau bod gan fwrdd yr elusen sy'n ymgeisio reolaeth lawn dros ei waith ac unrhyw wrthdaro rhwng buddiannau.
- Os oes gennych **grant byw** gyda Sefydliad Lloyds Bank, rhaid iddo ddod i ben cyn **25 Ionawr 2025**.
- **Gweithredu'n bennaf yng Nghymru a/neu Loegr.** Mae'r rhan fwyaf o amser ac arian eich elusen yn cael ei wario ar weithgareddau yng Nghymru a/neu Loegr ac yn helpu pobl sy'n byw yng Nghymru a/neu Loegr.
- **Nid yn cynnwys gweithgarwch crefyddol** fel rhan o'r gwasanaethau a ddarperir oni bai fod yr elusen wedi'i sefydlu i gefnogi pobl o'r ffydd honno'n benodol.
- Bodloni meini prawf y rhaglen a amlinellir isod:

## 5. Meini prawf y rhaglen ar gyfer elusennau arbenigol Masnachu Pobl a Chaethwasiaeth Fodern

**Rhaid i chi fodloni meini prawf y rhaglen hon er mwyn cael eich ystyried ar gyfer cyllid.**

Prif bwrpas eich elusen yw cefnogi pobl sydd wedi cael eu masnachu neu sydd wedi goroesi caethwasiaeth fodern. Bydd hyn yn cynnwys gweithio gydag unigolion y camfanteisiwyd arnynt drwy orfodaeth, fel y diffinnir gan [Protocol y Cenhedloedd Unedig i atal, rhwystro a chosbi masnachu pobl](#).

Byddwch yn darparu amrywiaeth o ymyriadau a chymorth yn uniongyrchol a thrwy bartneriaethau a llwybrau atgyfeirio i sicrhau bod pobl yn gallu gadael masnachu rhyngwladol neu ddomestig (neu'r ddau) yn ddiogel, cymorth gyda hawliadau lloches a mewnfudo (os oes angen), darparu llwybrau i lety diogel, darparu cynllunio diogelwch a chymorth iechyd meddwl i fynd i'r afael â thrawma.



Rhaid adlewyrchu hyn yn yr amcanion a nodir yn eich dogfen lywodraethu ar wefan y Comisiwn Elusennau, eich adroddiad blynyddol, eich gwefan a'ch sianeli cyfryngau cymdeithasol. Dyma beth fyddwn ni'n ei adolygu i ddeall eich pwrpas.

Fel elusen arbenigol, bydd angen i chi ddangos y canlynol:

- **Gwasanaethau cynhwysfawr.** Byddwn yn ystyried ceisiadau lle mae cymorth tymor byr yn arwain at ymgysylltiad sy'n parhau. Er enghraifft, efallai y byddwch yn darparu gwasanaeth allgymorth sy'n cefnogi anghenion iechyd, gan roi sylw i dlodi a chynllunio diogelwch. Rhaid i hyn arwain at gymorth tymor hwy fel:
  - cymorth i ddod o hyd i lety addas a diogel
  - cymorth gyda'r system fewnfudo
  - cymorth gyda dogfennau a rhwystrau iaith
  - cymorth tymor hir ar gyfer iechyd meddwl a thrawma
  - mynediad at hyfforddiant
  - cymorth addysg a chyflogaeth
  - dod â phobl yn ôl at ei gilydd gyda rhwydweithiau cefnogi a theuluol

Byddwn yn edrych ar sut mae eich gwaith yn cyd-fynd â'r Mekanwaith Atgyfeirio Cenedlaethol ar gyfer oedolion sy'n dioddef o gaethwasiaeth fodern a'r sefydliadau ymatebwyr cyntaf statudol ac anstatudol yn lleol.

**Nid ydym** yn cyllido cymorth un-tro lle nad oes cysylltiad hirdymor, ac mae eu hymgysylltu wedi ei gyfyngu i gymorth untro - er enghraifft, cyfeirio at wasanaethau eraill.

- Perthnasoedd neu bartneriaethau dibynadwy. Rydyn ni'n gwybod, fel un elusen neu wasanaeth, na fydd disgwyl i chi ddiwallu holl anghenion y bobl rydych chi'n eu cefnogi'n uniongyrchol. Fodd bynnag, dylech feddu ar berthynas ddibynadwy â darparwyr neu asiantaethau sy'n gallu helpu pobl i oresgyn yr heriau maent yn eu hwynebu a diwallu eu hanghenion sylfaenol (fel mynediad at wasanaethau mewnfudo, cyfieithydd ar y pryd, anghenion o ran tai, gofal iechyd corfforol neu feddyliol, neu wasanaethau cam-drin rhywiol ac ecploetiaeth).

Pan fyddwch chi'n cyfeirio rhywun at gymorth, rydych chi'n olrhain eu cynnydd i sicrhau bod eu hanghenion yn cael sylw a'u bod nhw'n symud ymlaen ar eu llwybr at ddiogelwch.

- **Gwasanaethau sy'n canolbwyntio ar yr unigolyn a chynlluniau personol.** Byddwn yn cefnogi elusennau sy'n strwythuro eu cymorth o gwmpas pob



unigolyn gan ganolbwyntio ar eu cryfderau ar yr un pryd â diwallu eu hanghenion a'u helpu i oresgyn y rhwystrau maent yn eu hwynebu.

Byddwch yn gweithio gyda'r bobl rydych chi'n eu cefnogi i ddeall yr heriau y gallant fod yn eu hwynebu ac i gytuno ar sut byddwch yn eu helpu i ddod o hyd i ffordd o oresgyn yr heriau hynny. Byddwch yn cadw cofnodion ysgrifenedig neu electronig neu ffeiliau achos ar gyfer pob un rydych chi'n ei gefnogi, gan nodi cynnydd yn erbyn gweithgareddau. Er enghraifft, gallech ddefnyddio asesiad risg unigol a chynllunio diogelwch, a/neu gronfa ddata sy'n olrhain cynnydd a thaith y bobl rydych chi'n eu cefnogi.

Dylai eich elusen allu dangos y gwahaniaeth rydych chi'n ei wneud drwy'r cofnodion hyn.

## 6. Llunio rhestr fer a meini prawf blaenoriaethu

Yn ogystal â'r meini prawf cymhwysedd sylfaenol a meini prawf y rhaglen a amlinellwyd yn barod, wrth lunio rhestr fer o sefydliadau byddwn yn ystyried pa mor dda maent yn bodloni'r meini prawf blaenoriaethu a ganlyn:

### ✔ **Eich ymagwedd at degwch, amrywiaeth a chynhwysiant**

Gwyddom fod rhai pobl yn wynebu gwahaniaethu oherwydd pwy ydynt. Gallai hyn fod oherwydd eu hoed, anabledd, ailbennu rhywedd, hil, crefydd neu gred, rhyw, cyfeiriadedd rhywiol, tlodi, dosbarth cymdeithasol neu fod yn ynysig yng nghefn gwlad.

Rydyn ni'n gwybod nad yw pob un ohonom yn cael yr un cyfleoedd ac felly mae angen i elusennau gydnabod hyn ac addasu'r cymorth a'r mynediad at wasanaethau yn unol â hynny.

Rydyn ni eisiau gweithio mewn partneriaeth ag elusennau sy'n dangos eu bod nhw'n:

- deall cyfansoddiad y cymunedau maent yn eu cefnogi ac yn gweithio gyda nhw.
- cydnabod y bobl yn y cymunedau hynny sy'n profi annhegwch.
- mynd ati'n rhagweithiol i gyrraedd ac ymgysylltu â phobl er mwyn mynd i'r afael â'r annhegwch maent yn ei brofi.
- yn gynhwysol ac yn gwneud i bobl deimlo eu bod yn cael eu croesawu, eu gwerthfawrogi a'u bod yn perthyn.



Nid ydym yn chwilio am berffeithrwydd ond rydym eisiau deall eich dull gweithredu a'ch ffordd o feddwl am sicrhau eich bod yn cefnogi pobl sydd wedi wynebu rhwystrau ac annhegwch.

**ENGHRAIFFT:** O dan ein Rhaglen Arbenigol yn 2023, fe wnaethom gyllido elusen a oedd yn cefnogi gweithwyr domestig mudol, sy'n agored i gamfanteisio a masnachu pobl. Fe wnaeth yr elusen wella cynhwysiant ei gwasanaethau drwy ddarparu gwasanaethau cyfieithu ar y pryd proffesiynol dros y ffôn. Fe wnaeth hefyd gynhyrchu deunydd mewn ieithoedd cymunedol perthnasol. Yn ogystal â hynny, mae'n hyblyg o ran sut mae amseroedd apwyntiadau'n cael eu trefnu, gan roi cyfle i'r rhai nad oes ganddynt lawer o amser i ffwrdd o'r gwaith gael mynediad at wasanaethau.

Cynigir dewisiadau i ddefnyddwyr gwasanaeth sydd â phroblemau symudedd, gan gynnwys galwadau fideo neu ymweliadau cartref. Pan fydd yn trefnu digwyddiadau, mae'n sicrhau bod bwyd a gweithgareddau yn briodol yn ddiwylliannol.

Roedd elusen arall a gyllidwyd dan y Rhaglen Arbenigol yn 2023 yn cefnogi menywod a oedd wedi goroesi masnachu mewn pobl a chaethwasiaeth fodern. Roedd yr elusen yn cydnabod bod menywod yn grŵp amrywiol iawn a bod grwpiau o fenywod sy'n wynebu rhwystrau ychwanegol i gael gafael ar ei chefnogaeth.

I rai, nid oedd eu Saesneg yn gryf, felly fe wnaethant eu cefnogi i wneud cais am ddsbarthiadau Saesneg a dod o hyd i gyrsiau addas am ddim iddynt gymryd rhan ynddynt. Ochr yn ochr â hyn, roedd diffyg gofal plant yn broblem, felly fe wnaeth yr elusen gyflwyno grŵp yn ystod y tymor yn unig ar gyfer goroeswyr sy'n famau. Fe wnaeth yr elusen hefyd sicrhau bod y rhaglen yn rhad ac am ddim, gyda darpariaeth cludiant a bwyd i sicrhau bod y rhwystr hwn yn cael ei ddileu. Mae'r elusen hefyd yn sicrhau bod unrhyw unigolyn sy'n ystyried ei hun yn fenyw yn gallu cael mynediad at ei gwasanaethau.

✔ **Cynnwys pobl sydd â phrofiad uniongyrchol o'r materion rydych chi'n gweithio i fynd i'r afael â nhw**

Byddwn yn blaenoriaethu elusennau sy'n dangos eu bod yn cynnwys pobl sydd â phrofiad uniongyrchol yn y gwaith o arwain eich sefydliad a chynllunio a darparu eich gwasanaethau. Byddwn hefyd yn blaenoriaethu elusennau sy'n dangos yn gryf eu bod yn awyddus i ddatblygu eu hymarfer yn y maes hwn.



Wrth sôn am brofiad bywyd, rydyn ni'n golygu pobl sy'n cael eu heffeithio'n uniongyrchol gan y materion mae eich sefydliad yn ceisio mynd i'r afael â nhw.

Er enghraifft, elusen Masnachu Pobl a Chaethwasiaeth Fodern sy'n cael ei harwain gan bobl sydd wedi cael eu masnachu neu sydd wedi goroesi caethwasiaeth fodern. Dylai pobl sydd wedi cael eu masnachu neu sy'n orosywyr caethwasiaeth fodern fod wrth galon cynllunio, datblygu a rheoli'r gwasanaethau a ddarperir gennyh.

Dylai'r elusen ddisgrifio sut mae'r bobl mae'n eu cefnogi yn cael eu cynnwys yn ystyrllon mewn penderfyniadau, dylanwadu mewnol ac allanol, ymgysylltiad dinesig a/neu rolau llywodraethu. Gallai hyn gynnwys cyfarfodydd gwybodaeth, fforymau, neu grŵp llywio/cynghori sy'n chwarae rhan wrth gefnogi gwaith llywodraethu'r elusen.

**ENGHRAIFFT:** O dan ein Rhaglen Arbenigol ar gyfer 2023, fe wnaethom gyllido elusen atal masnachu pobl a sefydlodd Grŵp Cynghori Ieuenctid sy'n cynnwys pobl ifanc a fasnachwyd. Roedd hyn yn eu galluogi i gyfrannu at ddylanwadu ar strategaethau sefydliadol a materion polisi. Maent yn cyfarfod yn fisol i ddatblygu prosiectau ac ymgyrchoedd ac i lywio cyfeiriad y gwaith a'r blaenoriaethau. Mae'r elusen hefyd yn awr yn edrych ar ffyrdd o wella a ffurfioli ei chysylltiadau â Bwrdd yr Ymddiriedolwyr.

### ✔ **Dealltwriaeth o drawma a dulliau sy'n seiliedig ar gryfderau**

Dull yw Gofal a Oleuir gan Drawma y mae sefydliadau yn ei fabwysiadu er mwyn gwella ymwybyddiaeth o drawma a'i effaith ar ddatblygiad niwrolegol, biolegol, seicolegol a chymdeithasol unigolyn, i sicrhau bod y gwasanaethau sy'n cael eu darparu yn cynnig cymorth effeithiol ac, yn bennaf oll, nad ydynt yn achosi trawma o'r newydd i'r rhai sy'n manteisio ar y gwasanaethau neu'n gweithio ynddynt.

Er mwyn mynd i'r afael ag anghenion pobl sydd wedi eu masnachu neu sy'n ddiodefswyr caethwasiaeth fodern, mae'n bwysig deall a gwerthfawrogi effaith trawma yn y gorffennol ar y person hwnnw. Gall y trawma hwn fod wedi digwydd cyn eu profiad o gael eu masnachu a chael eu heffeithio nid yn unig gan y profiad uniongyrchol o gael eu masnachu, ond hefyd gan brofiadau eraill fel gwrthdaro neu ryfel, ymwneud â gangiau, trais, neu gam-drin.





Byddwn yn ffurfio partneriaeth ag elusennau sy'n deall effaith eang trawma, pethau sy'n ei sbarduno, a symptomau trawma yn y bobl maent yn eu cynorthwyo, a'r llwybrau posibl ar gyfer adferiad. Bydd hyn hefyd yn cynnwys effaith trawma uniongyrchol ac anuniongyrchol ar staff a gwirfoddolwyr.

Bydd y cymorth yn cynnwys meithrin cysylltiadau cadarnhaol drwy roi anghenion unigol wrth galon eich cefnogaeth, eu helpu i adeiladu rhwydweithiau cefnogi y tu allan i'ch elusen, gan ganolbwyntio ar nodi cryfderau a nodau unigol a phersonol, sy'n helpu pobl i gymryd cyfrifoldeb dros eu taith adferiad, gan roi dewis a rheolaeth iddynt.

### ✔ **Cefnogi datblygu sefydliadol**

Rydyn ni eisiau helpu elusennau i dyfu'n gryfach ac yn fwy gwydn er mwyn iddynt allu ffynnu y tu hwnt i oes ein cyllid. Byddwn yn canolbwyntio ar elusennau a all elwa fwyaf ar ein cymorth datblygu sefydliadol, ac nid dim ond y cyllid anghyfyngedig.

Gan hynny, dim ond elusennau sy'n gallu dangos eu bod yn deall eu heriau sefydliadol eu hunain ac sydd â'r diddordeb a'r parodrwydd i fuddsoddi amser ac ymdrech i fynd i'r afael â'r rhain a'u perchenogi y byddwn ni'n eu cyllido.

Bydd hyn yn gofyn am ymrwymiad gan arweinwyr yr elusen a'r Ymddiriedolwyr a gallai fod yn unrhyw beth o wella trefniadau llywodraethu, cynyddu amrywiaeth ar draws y sefydliad neu gyflwyno cronfa ddata. Mae rhagor o wybodaeth am ein dull gweithredu [ar ein gwefan](#).

Mae'n bwysig i ni ein bod yn datblygu perthynas gymeradwy gyda chi a'ch elusen er mwyn i ni allu darparu'r gefnogaeth sydd fwyaf addas i'r hyn rydych chi'n gobeithio mynd i'r afael ag ef. Er mwyn gwneud hyn, byddwn yn siarad â chi neu'n ymweld â'ch elusen ychydig o weithiau'r flwyddyn.

### ✔ **Lleoliad daearyddol**

Rydym eisiau gwneud yn siŵr ein bod ni'n cyllido elusennau bach arbenigol ledled Cymru a Lloegr. Yn ein rhaglen ar gyfer elusennau arbenigol yn 2023, fe wnaethom fuddsoddi llai o gyllid yng **Nghymru, Llundain, a rhanbarthau Gogledd-ddwyrain a De-orllewin Lloegr**. Gan hynny, er mwyn mynd i'r afael â'r anghydbwysedd, lle ceir ceisiadau tebyg sy'n bodloni'r rhaglen a meini prawf blaenoriaethu, byddwn yn ffafrio ceisiadau o Gymru a'r tri rhanbarth hyn.



## 7. Yr hyn nad ydym yn ei gyllido o dan y rhaglen hon

Nid ydym yn darparu cyllid ar gyfer y sefydliadau canlynol:

- ✘ Cwmnïau Buddiannau Cymunedol, neu unrhyw sefydliadau eraill nad ydynt yn elusennau nac yn Sefydliadau Corfforedig Elusennol (CIO) sydd wedi'u cofrestru yng Nghymru a Lloegr.
- ✘ Sefydliadau seilwaith neu ambarél.
- ✘ Sefydliadau sydd â'r prif bwrpas o roi arian i unigolion neu sefydliadau eraill. Mae hyn yn golygu sefydliadau sy'n defnyddio mwy na 50% o'u gwariant blynyddol fel grantiau.
- ✘ Elusennau sy'n gweithio'n bennaf y tu allan i Gymru a Lloegr.
- ✘ Sefydliadau sy'n ei gwneud yn ofynnol i bobl gymryd rhan mewn gweithgarwch crefyddol yn rhan o'r gwasanaethau a ddarperir, oni bai fod yr elusen wedi ei sefydlu i gefnogi pobl yn benodol o'r ffydd honno.
- ✘ Ysbytai, awdurdodau iechyd, neu hosbisau.
- ✘ Gwasanaethau achub.
- ✘ Ysgolion, colegau neu brifysgolion.